

حاجة ناقصاني

من يوم ما قالت حتنساني
حاسس في حاجة ناقصاني
محتاجها ترجع من ثاني
وتكون ثاني ويايا..
صحيح كان البعاد ذنبي
وتم بناءً على طلبي
بس تعبت مش راح أخبي
ونفسي تعود ثاني معايا..
لسه بحلم بيها لسه
لسه مش قادر أنسى
لسه بتوحشني

ومش قادر قلبي يقسى
ويزيد الحنين جوايا..
حاول تنسى يا قلبي قاوم
عارف إنك لسه نادم
لكن بيايه حيفيد يا قلبي
مش راح ترجع خليك بقى فاهم
لازم أرمي الماضي ده ورايا..